

春天饮茶的诗句

1.
百战功成翻爱静，侯门渐欲似仙家。墙头雨细垂纤草，水面风回聚落花。
。并放辘轳闲浸酒，笼开鹦鹉报煎茶。几人图在凌烟阁，曾不交锋向塞沙？——张蠙《夏日题老将林亭》

2.
溪外青山山外村，数间茅屋掩柴门。青裙灶下偷窥客，白发堂中笑弄孙。
。乞火煮茶烧圭铗，隔篱貰酒举匏尊。梅花不解留人住，山路归来已夕昏。——丘葵《次所盘山村》

3.
南州溽暑醉如酒，隐几熟眠开北牖。日午独觉无馀声，山童隔竹敲茶臼。
。——柳宗元《夏昼偶作》

4.
橘岸舟间罾网挂，茶坡日暖鹧鸪啼。女郎指点行人笑，知向花间路已迷。
。——司空图《武陵路》

5.
闲中一盞建溪茶，香嫩雨前芽。砖炉最宜石铫，装点野人家。三昧手，
不须夸，满瓿花。睡魔何处，两腋清风，兴满烟霞。——张抡《诉衷情·
闲中一盞建溪茶》

6.
买得青山只种茶，峰前峰后摘春芽。烹煎正的前人法，蟹眼松风朕自嘉。
。——唐伯虎《品茶图》

7.

侬饷蒸藜郎插田，劝郎休上贩茶船。郎在田中暮相见，郎乘船去是何年。
。——李东阳《茶陵竹枝歌》

8.
丝丝缕缕拂面来，朵朵簇簇迎眼开；春风化雨明前茶，都是我辈山上摘。
。杀青初烘再摊晾，整形足干入市卖；一撮一杯皆甘苦，到君案头须等待。
。——松明子《春茶》

9.
仙山灵草湿行云，洗遍香肌粉末匀。明月来投玉川子，清风吹破武林春。
。要知玉雪心肠好，不是膏油首面新。戏作小诗君勿笑，从来佳茗似佳人。
。——苏东坡《次韵曹辅寄壑源试焙新茶》

10.
一派遥从玉水分，暗来都洒历山尘。滋荣冬茹湿常早，润泽春茶味更真。
。已觉路傍行似鉴，最怜少际涌如轮。曾成齐鲁封疆会，况托娥英诧世人。
。——曾巩《趵突泉》

11.
坐酌泠泠水，看煎瑟瑟尘。无由持一碗，寄与爱茶人。——白居易《山泉煎茶有怀》

12.
年年衰老交游少，处处萧条书信稀。唯有巢兄不相忘，春茶未断寄秋衣。
。——白居易《谢杨东川寄衣服》

13.
绿阴铺野换新光，薰风初昼长。小荷贴水点横塘，蝶衣晒粉忙。茶鼎熟，
，酒卮扬，醉来诗兴狂。燕雏似惜落花香，双衔归画梁。——张大烈《阮郎归·立夏》

14.
风菜差差午暑清，眼明茶碗打花轻。蒲团小歇谁惊起，簌簌楠花落雨声。
。——程少逸《月珠寺明月楼》

15.

东望山阴何处是，往来一万三千里。写得家书空满纸，流清泪，书回已是明年事。寄语红桥桥下水，扁舟何日寻兄弟。行遍天涯真老矣，愁无寐，鬓丝几缕茶烟里。——陆游《渔家傲·寄仲高》

16.

梦冷蘅芜，却望姗姗，是耶非耶。怅兰膏渍粉，尚留犀合；金泥蹙绣，空掩蝉纱。影弱难持，缘深暂隔，只当离愁滞海涯。归来也，趁星前月底，魂在梨花。鸾胶纵续琵琶，问可及、当年萼绿华。但无端摧折，恶经风浪；不如零落，判委尘沙。最忆相看，娇讹道字，手剪银灯自泼茶。令已矣，便帐中重见，那似伊家。——纳兰性德《沁园春·梦冷蘅芜》

17.

新茶已上焙，旧架忧生醖。旋旋续新烟，呼儿劈寒木。——顾况《焙茶坞》

18.

长松树下小溪头，班鹿胎巾白布裘。药圃茶园为产业，野麋林鹤是交游。云生涧户衣裳润，岚隐山厨火烛幽。最爱一泉新引得，清冷屈曲绕阶流。——白居易《重题居东壁》

19.

幸白东南好，西归未可忙。茶添橄榄味，酒借蛤蜊香。绝品宜春醉，新烹趁日长。倒囊烦厚载，归遣北人尝。——刘过《都中留随州李判官》

20.

自从陆羽生人间，人间相学事春茶。当时采摘未甚盛，或有高士烧竹煮泉为世夸。入山乘露掇嫩觜，林下不畏虎与蛇。——梅尧臣《次韵和永叔尝新茶杂言》

21.

何处堪留客，香林隔翠微。薜萝通驿骑，山竹挂朝衣。霜引台乌集，风惊塔雁飞。饮茶胜饮酒，聊以送将归。——张谓《道林寺送莫侍御》

22.

频年罢酿老爱酒，客至无钱强出赊。落尽庭梅三日雨，香风闲对一瓿茶。
。——傅汝楫《闭门》

23.

瘦策松间日又斜，更过东庵吃僧茶。丹青岭树胆寒叶，水墨江天噪乱鸦。
。付酒一杯真乐事，读书万卷是愁涯。更尝世故知閒味，河水依然鬓自华。
。——张蕴《东庵与道者语有感》

24.

孤鹤归飞，再过辽天，换尽旧人。念累累枯冢，茫茫梦境，王侯蝼蚁，
毕竟成尘。载酒园林，寻花巷陌，当日何曾轻负春。流年改，叹园腰带
剩，点鬓霜新。交亲。散落如云。又岂料如今余此身。幸眼明身健，茶
甘饭软，非惟我老，更有人贫。躲尽危机，消残壮志，短艇湖中闲采莼
。吾何恨，有渔翁共醉，溪友为邻。——陆游《沁园春·孤鹤归飞》

25.

茶饼嚼时香透齿，水沈烧处碧凝烟。纱窗避著犹慵起，极困新晴乍雨天。
。——李涛《春昼回文》

26.

小庭幽圃绝清佳，爱此常教放吏衙。雨后双禽来占竹，秋深一蝶下寻花。
。唤人扫壁开吴画，留客临轩试越茶。野兴渐多公事少，宛如当日在山
家。——文同《北斋雨后》

27.

寒夜客来茶当酒，竹炉汤沸火初红。寻常一样窗前月，才有梅花便不同。
。——杜耒《寒夜》

28.

溪阁重重翠崦遮，无时云气湿袈裟。千峰树色藏朝雨，六寺钟声送晚鸦。
。笔冢天寒收柿叶，茶坛风落扫松花。倦游每忆消闲地，早晚扁舟向若
耶。——梦观法师《题云门翠微深处》

29.

通道复通玄，名留四海传。交亲一拄杖，活计两空拳。要果逡巡种，思茶逐旋煎。岂知来混世，不久却回天。——吕洞宾《通道》

30.

身心既已闲，吟风兴亦偶。山东打茶声，睡思忽抖擞。——韩滉《白日偶无客青山长对门》

31.

烹茶留客驻金鞍，月斜窗外山。别郎容易见郎难，有人思远山。归去后，忆前欢，画屏金博山。一杯春露莫留残，与郎扶玉山。——黄庭坚《阮郎归·效福唐独木桥体作茶词》

32.

故园周匝向交亲，新茗分张及病身。红纸一封书后信，绿芽十片火前春。汤添勺水煎鱼眼，末下刀圭搅曲尘。不及他人先寄我，应缘我是别茶人。——白居易《谢李六郎中寄新蜀茶》

33.

日夕北风紧，寒林噤暮鸦。是谁谈佛法，真个坠天花。呵笔难临帖，敲床且煮茶。禅关堪早闭，应少客停车。——大须僧《暮雪》

34.

小小梅花巧耐寒，曛曛晴日醉醒间，茶瓯金缕鹧鸪斑。三寿作朋须共醉，一杯留客未应慳，酒肠如海寿如山。——管鉴《浣溪沙·寿程将》

35.

醉归那忍旋分手，竹屋灯明。石鼎茶声，坐久听来酒力轻。粉笺染就芙蓉滑，小句初成。转自凄清，寒逼春衫欲二更。——何继高《采桑子·玉山名胜集》

36.

芳草池塘，绿阴庭院，晚晴寒透窗纱。玉钩金锁，管是客来吵。寂寞尊前席上，唯愁海角天涯。能留否？酴醾落尽，犹赖有梨花。当年曾胜赏

，生香熏袖，活火分茶。极目犹龙骄马，流水轻车。不怕风狂雨骤，恰才称，煮酒笺花。如今也，不成怀抱，得似旧时那？——李清照《转调满庭芳·芳草池塘》

37.

长松苍鹤相依住，骨老健称褐衣父。坐烧丹忘记春秋，自在溪风山雨。有人来不问亲疏，淡饭一杯茶去。要茅檐卧看闲云，梅影转幽窗雅处。——冯子振《鹦鹉曲·南城赠丹砂道伴》

38.

胚暉造化妙天家，趁得辛夷未首花。浊水淤泥还絮白，枯株朽树亦芳华。长空光眩鸣皋鹤，厚地寒侵入宇蛇。钜竹南墙清绝甚，一编孟子一瓯茶。——洪咨夔《追和及甫雪》

39.

山径无人鸟篆沙，杖藜间看摘新茶。锦级委地笋翻箨，黄玉满林松带花。——刘过《间步》

40.

昨日东风吹枳花，酒醒春晚一瓯茶。如云正护幽人堑，似雪才分野老家。金饼拍成和雨露，玉尘煎出照烟霞。相如病渴今全校，不羨生台白颈鸦。——李郢《酬友人春暮寄枳花茶》

41.

养茶火候不须忙，温温深盖藏。不寒不暖要如常，酒醒闻箬香。除冷湿，煦春阳，茶家方法良。斯言所可得而详，前头道路长。——洪希文《阮郎归·焙茶》

42.

兴亡千古繁华梦，诗眼倦天涯。孔林乔木，吴宫蔓草，楚庙寒鸦。数间茅舍，藏书万卷，投老村家。山中何事？松花酿酒，春水煎茶。——张可久《人月圆·山中书事》

43.

三界无家是出家，岂宜拊凤睹新麻。幸生白发逢今圣，曾梦青莲映玉沙。
境陟名山烹锦水，睡忘东白洞平茶。喜擎绣段攀金鼎，谢朓馀霞始是霞。
——贯休《酬周相公见赠》

44.

兀兀寄形群动内，陶陶任性一生间。自抛官后春多醉，不读书来老更闲。
琴里知闻唯绿水，茶中故旧是蒙山。穷通行止长相伴，谁道吾今无往还。
——白居易《琴茶》

45.

天上飞琼，毕竟向、人间情薄。还又跨、玉龙归去，万花摇落。云破林梢添远岫，
月临屋角分层阁。记少年、骏马走韩卢，掀东郭。吟冻雁，嘲饥鹊。人已老，
欢犹昨。对琼瑶满地，与君酬酢。最爱霏霏迷远近，却收扰扰还寥廓。待羔儿、
酒罢又烹茶，扬州鹤。——辛弃疾《满江红·和范先之雪》

46.

云外青山是我家，两年城里作生涯。杜陵赏月延秋桂，彭泽无钱对菊花。
初度日，感年华，三杯浊酒一瓿茶。尊前儿女休相笑，更有人穷似汝爷。
——《鹧鸪天·云外青山是我家》

47.

世味年来薄似纱，谁令骑马客京华。小楼一夜听春雨，深巷明朝卖杏花。
矮纸斜行闲作草，晴窗细乳戏分茶。素衣莫起风尘叹，犹及清明可到家。
——陆游《临安春雨初霁》

48.

绝顶遥知有隐君，餐芝种术麝为群。多应午灶茶烟起，山下看来是白云。
——刘克庄《西山》

本文链接：<https://duanjuziku.com/duanjuzi/r9arw22e40.html>